

Այնչափ քննքուչ չ'իկնք տեսեր, երբ տեսայ նա ուշքըս գընաց:

Ժ .

Իմ բարձրագընայ լուսին, շատ բարձրը կ'երթաս 'և անահուն,  
Շատ երդիք ի վայր իջնուս, շատ տեսնուս ջուխտակ եար ի քուն:  
Ով իմ եարոջն է ի քուն, չի վերնա՛յ սընարքն ի գըլխուն:

ԺԱ .

Կարմիր ու սպիտա՛կ երես, շատ մեղքունք արիր՝ թե գիտես.  
Կ'ուզեմ որ սիրեմ ըզքեզ, դու կ'ասես թե՛ «Մըստուր եմ ես»:  
Երթամ հանց վըկայ բերեմ՝ դու սիրոյ խընծորն ամեր ես.  
Թողեր ես շահէն բազան՝ ագռաւու ձագըն կու սիրես.  
Պագն երեսիդ տըւեր ես, այդ նազերդ ի ո՛ր կու ծախես.  
Մոխի՛րս աչերուս վըրայ՝ թե սիրոյ մարդըն դու գիտես:

#### ՏԱՍՆԵԿՈՒԹԵՐՈՐԴ ՏԱՂԱՇԱՐՔ

Ա .

Իմ եա՛ր, ի քո շատ սիրուդ արծըթե դալամ շինեցի,  
Չատ քո ըռանայ սուրաթ ի յաջոյ թելըս գըրեցի.  
Յորեկն ի վրան հայէի, քո սիրո՛վըդ կըշտանայի,  
Գիշերն երեսիս դնէի ու բարով ի լուսն ելնէի:

Բ .

Աչերդ է ծովուն նըման, ծով աչիդ ծամա՛յ լինենամ.  
Զանի որ ի միտս ընկնիս, ի մահուն դուռըն կու գընամ:

Գ .

Քո սերն է կըրակ նըման, կըրակըն երկաթ կու հալէ,  
Իմ սիրտս է պատառ մի միս, կըրակիդ ի՛նչպես դիմանայ:

Դ .

Երբոր չես սիրեր դու գիս, Է՛ր կուզ'իր լեզուովդ ի իխրար.  
Հիմիկ ի՛նչ տեսար դու յիս, գիկնչ կ'ասիր՝ գամէն սուտ ելար:

Ե .

Կօզա՛լ, մի՛ հագնիր կապուտ, մի՛ խաղար ու տար թելերուդ,  
Մի՛ գար 'և ի դըռնովն անցնիր, մի՛ ճօճար, կօզա՛լ, արեւո՛ւդ: